



# «ԵՐԵՎԱՆԻ ԱՂԲԱՀԱՆՈՒԹՅՈՒՆ ԵՎ ՍԱՆԻՏԱՐԱԿԱՆ ՄԱՔՐՈՒՄ» ՀԱՄԱՅՆՔԱՅԻՆ ՀԻՄՆԱՐԿ

ՀՀ ք. Երևան, Շիրակի 88/1  
Հեռ. +374-41-777-983  
Էլ. [hamugb'easm.himnark@gmail.com](mailto:hamugb'easm.himnark@gmail.com)

«08» ապրիլի 2026թ.

## ԱՁ ՍԱՐՈՒԽԱՆ ԲՐՈՒՏՅԱՆԻՆ

/Հասցե՝ ք. Երևան, Նոր-Արեշ 15 փող. 7 շ. 12 բն/

### Ծ Ա Ն ՈՒ Ց ՈՒ Մ

(Պայմանագիրը միակողմանի մասնակի լուծելու մասին)

2025 թվականի մայիսի 14-ին «Երևանի աղբահանություն և սանիտարական մաքրում» համայնքային հիմնարկի (այսուհետ՝ Գնորդ) և ԱՁ Սարուխան Բրուտյան Մուշեղի (այսուհետ՝ Վաճառող) միջև կնքված N ԵԱՍՄ-ԷԱՃԱՊՁԲ-25/38-2 ծածկագրով պետության կարիքների համար ապրանքի մատակարարման պայմանագրի 1.1 կետի համաձայն՝ Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ տեխնիկական բնութագրով նախատեսված և սույն ծածկագրով գնման ընթացակարգի գնահատող հանձնաժողովի՝ հայտերի բացման և գնահատման նիստի արձանագրությամբ՝ նույն ընթացակարգի հրավերով սահմանված պահանջներին համապատասխանող գնահատված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար: Սույն կետում նշված արձանագրությունը կազմում է պայմանագրի անբաժանելի մասը: Ապրանքի մատակարարման ժամանակացույցը սահմանված է սույն պայմանագրի N 2 հավելվածով:

14.05.2025թ. կնքված հ. ԵԱՍՄ-ԷԱՃԱՊՁԲ-25/38-2 ծածկագրով պայմանագրի Հավելված N 2-ով հաստատված մատակարարման ժամանակացույցի համաձայն՝ հրավերով նախատեսված 27 չափաբաժնի համար մատակարարման ժամկետ է սահմանվել ֆինանսական միջոցներ նախատեսվելու դեպքում կողմերի միջև կնքվող համաձայնագրի ուժի մեջ մտնելու օրվանից սկսած մինչև 21-րդ օրացուցային օրը:

03.07.2025 թվականին «Երևանի աղբահանություն և սանիտարական մաքրում» համայնքային հիմնարկի և ԱՁ Սարուխան Բրուտյան Մուշեղի միջև կնքվել է 14.05.2025թ. կնքված ԵԱՍՄ-ԷԱՃԱՊՁԲ-25/38-2 ծածկագրով ապրանքների գնման պայմանագրի N 1

համաձայնագիրը, որի 1.1 կետի համաձայն՝ Վաճառողը պարտավորվում է սույն համաձայնագրի N 1 և N 2 հավելվածներով՝ տեխնիկական բնութագիր-գնման ժամանակացույցով և վճարման ժամանակացույցով սահմանված կարգով, ծավալներով, ժամկետներում Գնորդին մատակարարել նախատեսված ապրանքը, իսկ Գնորդը պարտավորվում է ընդունել ապրանքը և վճարել դրա համար:

«Երևանի աղբահանություն և սանիտարական մաքրում» համայնքային հիմնարկը Պայմանագրով Գնորդին վերապահված իրավունքների և պարտականությունների իրացման արդյունքում պարզել է, որ Վաճառողը պայմանագրի 27-րդ չափաբաժնով նախատեսված 10 հատ ապրանքից մատակարարել է միայն 8 -ը, մնացած 2 միավորի մասով սահմանված ժամկետում չի ապահովել ապրանքի մատակարարումը:

01.04.2026 թվականին Գնորդը ԱԶ Սարուխան Բրուտյանին է հասցեագրել գրություն այն մասին, որ սույն թվականի ապրիլի 1-ի դրությամբ պայմանագրով նախատեսված 27-րդ չափաբաժնի ապրանքները ամբողջությամբ մատակարարված չեն, ուստի հիմք ընդունելով ապրանքի խիստ անհրաժեշտությունը՝ պայմանավորված Երևան քաղաքում սանմաքրման աշխատանքները պատշաճ կազմակերպելու հանգամանքով, առաջարկվել է մինչև սույն թվականի ապրիլի 6-ը մատակարարել նշված չափաբաժնով նախատեսված ապրանքը, այնինչ ներկայացված գրությանը որևէ ընթացք չի տրվել և ԱԶ Սարուխան Բրուտյանի կողմից պայմանագրով նախատեսված 27-րդ չափաբաժնի ապրանքը չի մատակարարվել:

«Քաղաքացիական օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

«Քաղաքացիական օրենսգրքի 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը»:

Պայմանագրի 2.1.7 կետի համաձայն՝ Գնորդն իրավունք ունի՝ միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը:

Պայմանագրի 2.1.7.1 կետի համաձայն՝ Վաճառողի կողմից պայմանագիրը խախտելն էական է համարվում, եթե՝

բ) ապրանքի մատակարարման ժամկետները խախտվել են 10 օրից ավելի:

« քաղաքացիական օրենսգրքի 466-րդ հոդվածի 3-րդ մասի համաձայն՝ պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

Հաշվի առնելով այն հանգամանքը, որ ԱԶ Սարուխան Բրուտյանը խախտել է պայմանագրով սահմանված պարտավորությունները և սահմանված ժամկետում չի մատակարարել պայմանագրով նախատեսված ապրանքն ամբողջությամբ, «Երևանի աղբահանություն և սանիտարական մաքրում» համայնքային հիմնարկը ղեկավարվելով վերը նշված իրավական հիմքերով՝ միակողմանի մասնակի լուծում է պայմանագիրը՝ պատշաճ ծանուցումն ապահովելու նպատակով կիրառելով «Կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» Կարգի 33-րդ կետի 17-րդ ենթակետով սահմանված դրույթները:

Համաձայն «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում, պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Ընդ որում սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը: Որոշումը կայացվելուն հաջորդող օրը այն գրավոր տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործի եզրափակիչ դատական ակտն ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորություն չի վերացել:

Ընդ որում, եթե՝

-սույն կետով նախատեսված՝ լիազորված մարմնին որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարել է պայմանագրի կատարման և որակավորման ապահովման համար սահմանված գումարները՝ համապատասխանաբար 32.640 (երեսուն երկու հազար վեց հարյուր քառասուն) ՀՀ դրամ և 48960 (քառասուն ութ հազար ինը հարյուր վաթսուն) ՀՀ դրամ Կենտրոնական գանձապետարանում լիազորված մարմնի անվամբ բացված՝

համապատասխանաբար «900008000664» և «900008000698» գանձապետական հաշվեհամարներին, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմին:

-մասնակցի կամ պայմանագիրը կնքած անձի կողմից հայտի, պայմանագրի և որակավորման ապահովման գումարի վճարումն իրականացվել է լիազորված մարմին որոշումը ներկայացվելու վերջնաժամկետը լրանալուց հետո, բայց ոչ ուշ, քան մասնակցին կամ պայմանագիր կնքած անձին ցուցակում ներառելու վերջնաժամկետը լրանալու օրը, ապա պատվիրատուն դրա մասին գրավոր տեղեկացնում է լիազորված մարմնին, որի հիման վրա մասնակիցը չի ներառվում ցուցակում:

**ՀԱՐԳԱՆՔՈՎ՝**

**«ԵՐԵՎԱՆԻ ԱՂԲԱՀԱՆՈՒԹՅՈՒՆ**

**ԵՎ ՍԱՆԻՏԱՐԱԿԱՆ ՄԱՔՐՈՒՄ»**

**ՀԱՄԱՅՆՔԱՅԻՆ ՀԻՄՆԱՐԿԻ ՏՆՕՐԵՆ**



**ՍԱՇԱ ԿԱՏՎԱԼՅԱՆ**